

Empat Setiausaha Parlimen kini Timbalan Menteri

UM 11.12.99

PUTRAJAYA 10 Dis. — Selain Timbalan Speaker Dewan Rakyat, Datuk Ong Tee Keat, empat orang Setiausaha Parlimen dalam barisan kepimpinan dahulu dinaikkan pangkat sebagai Timbalan Menteri.

Perdana Menteri, Datuk Seri Dr. Mahathir Mohamad melantik Ong sebagai Timbalan Menteri Belia dan Sukan.

Datuk G. Palanivel yang dahulunya Setiausaha Parlimen Kementerian Perpaduan Negara dan Pembangunan Masyarakat, kini menjawat jawatan Timbalan Menteri Pembangunan Luar Bandar.

Datuk Shahrizat Abdul Jalil, yang dahulunya Setiausaha Parlimen Kementerian Belia Dan Sukan dinaikkan pangkat sebagai Timbalan Menteri di Jabatan Perdana Menteri.

Turut dinaikkan pangkat Datuk Dr. Shafie Salleh dari Setiausaha Parlimen ke Timbalan Menteri di Kementerian Kewangan.

Datuk Chor Chee Heung dinaikkan pangkat daripada Setiausaha Parlimen di Kementerian Pengangkutan menjadi Timbalan Menteri Dalam Negeri.

Sementara itu, Timbalan Menteri yang tidak disenaraikan semula ialah Datuk Railey Jeffrey (Kerja Raya), Datuk Loke Yuen Yow (Belia dan Sukan), Datuk Abu Bakar Daud (Sains, Teknologi dan Alam Sekitar), Datuk K. Kumaran (Pembangunan

Luar Bandar), Datuk Peter Tinggom (Perpaduan Negara dan Pembangunan Masyarakat), Dr. Goh Cheng Teik (Tanah dan Pembangunan Koperasi).

Datuk Dr. Affifudin Omar (Sumber Manusia), Datuk M. Mahalingam (Kesihatan), Datuk Wong See Wah (Kewangan), Datuk Idris Jusuh (Pembangunan Usahawan), Datuk Dr. Abdullah Fadzil Che Wan (Pertahanan), Datuk Paduka Ibrahim Ali (Jabatan Perdana Menteri), Datuk Dr. Tengku Mahmud Mansor (Pertanian) dan Datuk Teng Gaik Kwan (Kebudayaan, Kesenian dan Pelancongan).

Banyak muka baru mengisi jawatan Setiausaha Parlimen. Mereka termasuk Khamsiyah Yeop dan Noh Omar (keduaduanya di Jabatan Perdana Menteri), Donald Lim Siang Chai (Pengangkutan), Yong Khoon Seng (Kerja Raya), Hashim Ismail (Kewangan), Chia Kwang Chye (Tenaga, Komunikasi dan Multimedia).

Wong Kam Hoong (Perdagangan Dalam Negeri dan Hal Ehwal Pengguna), S.S. Anpalagan (Kesihatan), Dr. Robia Kosai (Tanah dan Pembangunan Koperasi), P.V. Suppiah (Perpaduan Negara dan Pembangunan Masyarakat), Rizalman Abdullah (Pembangunan Usahawan), Rohani Abdul Karim (Pembangunan Luar Bandar) dan Datuk Dr. Mahadzir Mohd Khir (Pendidikan).